

四庫全書

史部

欽定四庫全書

水道提綱卷十

原任禮部侍郎齊召南撰

江

下

自武昌漢口東至海

大江既會漢水東北流中有沙洲又東北經武昌北境

南岸有南湖水口

一名五丈湖在江夏東

北岸即黃陂縣之牛

湖水口也

牛湖在黃陂西南哀邪八十餘里廣五十里東南流入江即古溝水自漢陽來入曰

溝又東大江始折東南流

自岳州巴陵東北流北岸至此徑五百數十里

有武湖水自黃陂來注之曰武口亦曰沙汊口

武湖水源

出黃安縣西北境與河南界之老山二水俱南流經仙居亭山左右約百餘里會於河口之南即新集之

西南也又南八十里經木蘭山西麓又南百餘里經黃陂縣城東又南有什子湖水西南來鴨魚湖水東南來並會又東南流有牛湖支津自西又東南至黃南來會渚為湖周五十里又東南入江

岡西北境陽邏驛南北岸有水北自黃安縣合二水

來注之

華家河出黃安縣北與河南界之暮雲山在周八家村之西又西即仙居亭山也南流九

十里折東南流有郭家河自東北來會經縣城西又南百餘里經三姑井西又曲曲東南流折而西南百數十里至驛

又東南經汪家舖南白虎山北北岸有

東南入海

湖水口

湖在揚區驛水之東團風鎮水之西形三角數十里西南流入江

又東稍北

流至黃岡北之團風驛西有水自北合麻城諸水來

注之江口有洲

白塔河出麻城縣北界之黃土關大山南流曲曲百餘里至縣城東有洪

家河東北自虎頭關東山西南流來會又西北流有
道觀河南自馬鞍山西北流折而東北經沙河鎮東
合八疊山之水又西北經白果鎮來會又西南流有
浮橋水北自黃安東北界之分水嶺南流經黃安東
境麻城西北境百數十里至浮橋西中館驛東又南來
會又西南至宋埠鎮南歧亭東折而東南曲曲百六
十餘里至團風驛之西入江

江至水口折正南流六十里經黃州

府城西北有小水口

自府北境西
南流入江

經城西有磯

曰赤鼻磯

折而東流南岸武昌縣境有諸湖水自西南來注之

曰樊口

南岸湖自江夏東境之白羊湖南為山口鋪東為白虎山南湖水漸廣其上源南出咸寧

縣東北山數源東北流合而曲曲經山中曰大港水又北至金牛港入湖曰梁子湖西北自長山鋪東南至武昌縣西之樊山長百三十里廣八九十里盡滙縣境湖澤九十九北注大江又東經武

昌縣城北南岸縣城與西北岸府城隔江相望又東

稍北南岸有五丈湖口

即武昌東之南湖俗曰洋澗湖者也

又東稍南

北岸有小湖口

即黃岡東境湖

又東有巴河東北自羅田縣

西南流至蘄水縣西境來注之

巴河源出羅田縣石門寨西多雲司東南

山西流經天堂寨南又西南流有一水自北來會又西南流曰九子河又南流經平湖店西又西南至縣西南境之油店西有油河東北自縣北淨瓶山水合石柱山水南流曰沙河又西南曰油河合東一小水南經縣城東又經其南西流來會自源至此已二百八十里矣又西南數十里折南流經蘄水縣北境之上巴河又西南百餘里經巴水驛西又南至下巴河之西南入江巴河口之西即黃岡東湖口其東又有小湖口自東來注之

大江又折東南流南岸為大冶縣東北境

之黃石港口

華家湖自五丈港塘之南廣二十餘里東南流曰黃石港又東入江正對浣水

口東北岸有浣水自東北來經蘄水縣城東南而西

南流注之

浣水源出江南英山縣北界嶺南流曰落里河流百餘里折東南流有一水自東界

嶺西南流經縣城東南而西來會曰難兒河即蘭水也又南流入湖廣界經土峯嶺豹子山之北折西流百數十里曰古河有一水自東北來注之又西南流六十里經蘄水縣城東南又西南七十餘里至蘭溪司入又東南經蘄州西北境之茅山司西西南岸有江

道士洑口

大冶縣東北有張家湖在黃石港之南東流曰道士洑入江正對茅山司

又東

南經興國州東北境有滯源湖西自大冶來注之曰

滯源口

滯源出大冶縣西境大港東山三源合東南流經縣城南又東為金湖經小箕山北為滯

源湖廣數十里又東為小口入江

江中有洲其東北岸即蘄州城北

之蘄水口也

蘄水東北出大浮山數源一源出龍碑山西麓西南流至大同司北又西南有

南源二水出茅平山寶蓋山者西流合而來會又西
流曰童子河至高山鋪南而西有北源出豹子山者
亦西南流曰開口河經鋪西北而南來會曰兩河口
又南經西河驛東曹家鎮西分為二派一東匯為赤
東湖一西南流而合又西南數十里又南經州城西
至州城之西北入江其口正對沙洲

南有數洲又東南南岸有富池口富水西南自通山

縣東經興國州合諸水來注之

富水出通山縣西太坪鋪諸山其西諸水

俱自崇陽西北至蒲圻入江即陸水也其山東數水
東流合而東經寺下鋪東南又南合一水又東經通
山縣城南又東北流至花橋北合二水至板橋又南
合一水又東至陽辛市有水自南來注之又東北有
水南自江西武寧縣北境小洞山來會又東南經排
市鎮北又東北流有高橋市南北二水合而東南流

州城西北湖滙諸水西為冰湖西流合而南來會曰港口又東數十里經州城南有一水自南來會又東北流有夾節湖滙諸水自南來經雞籠山來會又東有網湖水自西北來會又東至富池鎮之南界首鋪之北又東南經廣濟縣西南境之馬口鎮南折東北入江

流南岸入江西界經瑞昌縣西北境北岸有馬口湖

水口

馬口湖水西北自蘄州城東南迤而東會諸小水又東南至廣濟西南馬口鎮之東南入江

又東北八十里折而東南南岸有瑞昌水口即古湓

水也

今曰楊林湖水西出縣西界之赤顏山二源合東流經羊腸山南又東經縣城西南有小水北

自城西來注之稍東經城南有白石巖水自西南來有羅家湖水自南來會又東北瀦為湖周二十餘里

分為二流一西北流有白沙渡水自西來會即馬頭鎮之南水也又東北流入江北岸即廣濟東與黃梅接界之新又東南經黃梅縣西南境有縣河東北合開口司也

諸水經小池口來注之

水出黃梅縣西北龍坪山兩源合東南流有孫家山水自

東北來會曰古角河又南有老寺山水自西北來會折東南流經縣城東又西南流至黃連村有廣濟縣

水自西來會又東南合一小水又西南數十里入江廣濟縣河二水一曰縣河出縣北橫岡山西南流

經縣城東而西南有層峰山水自城西來會南流曰挂水河折東南流匯為大澤迤而東北曰太白湖又

北受東衡山水自東流出經雙城驛又東南有數洲前又東至黃連村南與黃梅縣河會

渚至九江府治德化縣西境之湓口

中偏西半度極二十九度九分

大江西北自武昌府東北青山舖之北東南流至湓口計六百餘里大江至此其勢遂向東北湓口水即瑞昌縣東南楊林湖東流經錦繡谷又東北流至府城西境有小水自東南來會北入江亦曰湓浦北岸亦德化界有拓港

東經府城北亦曰潯陽江又東

稍北北岸為黃梅與江南宿松縣之界

西曰小池口楊家穴黃梅

境東曰段腰鎮歸林司宿松境

又東為湖口縣西之湖口江中有大

洲二

曰梅家洲曰永和洲

彭蠡湖南匯章貢諸水北流來會

中偏西三分極二十九度九分彭蠡

章貢見後又東經縣城北又東北流北岸有龍湖水北自

宿松縣來注之

水自縣北之二郎河南流經城西而南分為二派一南流與西自黃梅來

一水會緒為龍湖廣二十里又東南流入江江口有二小洲相連

稍東有一水自南

來注之

即太平閘水也

又東經彭澤縣城西北有一水南自

城西北注之江中有小孤山濱岸有磯

山在城北江中江之北岸

有小孤司

又東有泊湖水自東南來注之

大泊湖在彭澤縣東境袁延曲

折數十里西會一南來之水北入江

又東北有大洲又東北南岸受小

水二中有洲又北入江南界

大江於江西經四縣境五百里

大江北經馬當山北東流縣之西南境也

馬當山橫枕大江為彭澤

東流分界西岸即望江縣東南之雷口有水西北合太湖

宿松二縣水東流注之

前長河有三源一出潛山縣西北境水吼巔之西北山其

北水即潁河北流入淮者南水西南流經重山間曲曲百餘里曰薛家河有一水自西北來會又東南流

數十里青石河西自英山縣東境山東南流百餘里來會即西源也又東至青石鎮南有東源曰羊

角河自潛山西境山西南流百餘里來會又東南數十里分為二派一東南流經大湖縣城西南一東流

經城東北折而南經其東又南復合東南七十里為泊湖又東南流為前長河六十里至望江縣西南有南

泊湖水自西來會南泊湖水西北出宿松縣西北界之二即河東南流八十里經縣城西南分二派一

南注龍湖入江其一東流經縣東南境有預縣河自北山經縣東而南來注之又東南四十里折而東稍

北為泊湖又東八十餘里會前長河東流經望又北江縣城南之吉水鎮前又東入江即古雷口也

經望江東境近西岸有洲東岸依山麓又東北為香

口河口

香口河兩源一出建德縣南境石門嶺西北流一出挑墅嶺東北流合而北流百里曰前

河折西北流經縣城西南堯城鎮東又北流折西北至東流縣東南有一水南自山中來會曰香口河又

西流經縣城南又西入江水口又北經縣城西北西岸稍南即望江東北之華陽鎮

又北西岸有漳湖溝口

湖在望江縣北境周四里東南流為溝入江又北

六十餘里折東北流經安慶府治懷寧縣西南境數

十里至縣南有長河西合潛山諸水來注之即古皖

水曰皖口

長河數源出潛山縣西北山東流經縣城北而東南者曰賓河又北曰黃花河又北

曰破越河皆西出山中東流經青口驛南折東南流有西源曰西河出西境山東流經縣城南而東與北

三水會又東稍南至石牌鎮有地靈河自西來會俗總名曰石牌河又東有白沙河與晶靈河西自小池

驛合而東流來會又東有靈里河及北關口河西南自大湖縣東北境合而東北流來會又東南經府西

境曰長河至府東經府城東南又東北南岸池州府城西南東入江

治貴池縣西境有張溪自南來注之

張溪即李陽河源出建德縣東

境山三水合而北流折西北百餘里至張溪又東北鎮東又八十餘里至黃湓鎮西又北入江

至樅陽鎮南有樅陽水西北自桐城縣合諸水來注

之

概陽水數源東北曰魯王河出桐城縣東北北碇

孔城鎮西南有小水自西北來會又南流至懷寧縣

界練潭驛東有二水自西北來會曰倒流河曰掛車

河倒流河二源一出桐城縣北馬頭山東南流經

縣城東又南其西一水出五嶺山南流經城西南又

合一小水東南流來會又東南流與西來之掛車河

同入魯王河掛車河二源一出縣西南山東南流

一出陶冲驛西山東流而合又東南經練潭驛北又

東會倒流河入魯王河又東南流有三安河及沙河

自西合而東流來會三安河出桐城縣西南境山

東流經陶冲驛南又東南百餘里至練潭驛南又南

有沙河自西來會沙河兩源在三安河之南東流

合而東南有小路口二水自潛山青口驛之北合

東流會沙河又東會三安河又東南會魯王河又東

又東南經桐城東南界樞陽鎮之西入大江

北數十里南岸有池河自南來注之即貴池水也

池河

俗曰雲溪河源出祁門縣北界大洪鎮西北諸山兩水合北流至七都村西折西北流二百里曰雲溪河經唐村山南有一水自南來會又西北至府西南之殷家匯東折正北流至池府西五十里北入大江曰池口又東北至府城西北境有通濟河南自城東北來

西北流注之

即池州城河也源二一出府南境唐村山東北流一出東南石羅山西北流合

而北而西北經府城東折西北流入大江

又東北北岸有羅昌河自西北

來注之

河出羅昌鎮北山東南流經湯家溝北又東南入江

又東南岸有梅根

港口

梅根港在貴池縣東北境水有二源西南曰沙塘河東南曰石米河合而西北流又有白沙河

自西來會又北流經梅根鎮西北入江

又東北經銅陵縣西南境有大

通河南自青陽縣合數水來注之

大通河西源曰五溪河出青陽縣南

山合五水北流經兩山門又北經縣西南之九華山西麓又北至大通鎮之南與東源會北入江東源三

水一曰分水嶺北水西北流經青陽縣城東而北有博山河東南自石埭縣北境陵陽鎮西北流來會又北稍西有喬麥灣河自東南來會又東北經南岸山又西北至大通鎮南會西源入江

麓又東北經縣城西有小水口

自城南西北流入江

中有洲又

東經城北北岸有二小水口無為州南境也

曰灰河鎮水口

正對南岸銅陵城曰土橋鎮水口又在其東

又東北南岸有小水口又東

北北岸有泥汭鎮水口

巢湖支津北自巢縣南經無為州東而南入江之一派也

見後江心有洲南岸有荻港口

荻港水出銅陵縣東南山東北流至順安鎮有

二小水合自東南來會又東北流曰新河至黃澍鎮又合繁昌縣南之水龍山水折而西北經荻港鎮南

入江北又東北經繁昌縣西北境北岸有珊港汛口中

有數洲

見後

又東北經北岸與龍鎮南南岸三山鎮北

與龍鎮以西俱無為州境三山鎮係繁昌北境有三山磯濱江

又東北為南岸蕪湖

縣西南境之石硯河口

石硯河源出南陵縣西南山東北流經縣城東南又東北

受西來二小水即西出小龍山馬耳山者又北有一湖自東合南來一水并東南達清弋江支津西流來

會於繁昌東境又北至蕪湖縣南境石硯舖之西折西北流至魯港鎮西南入江其北岸稍東即和州南境之裕溪口也

北岸為和州南境之裕溪口

裕溪源流見後

又東北

為蕪湖縣西北之魯港口魯明江南匯旌德太平石

埭涇縣諸水東北流經宣城西北境曰清弋江折西

北流經蕪湖城南而西北注之

魯陽江即清弋江有三源東南源曰梅溪

河出旌德縣南與績溪縣界之舖頭鎮南山北流數十里經縣城東又北折西北流經三溪鎮南又西北

流依山麓折而東北至涇縣南境烏溪鎮之西合南來三小水又北經縣城東又北西南二源水合自西

南來會南源曰小溪河出太平縣南與歙縣界黃山北麓北流八十餘里經縣城東又北稍西北曲

八十里而石埭水自西南來會西南源曰陽溪河
有三源一出石埭縣西北分水嶺其西北流即青陽
縣水也此溪東南流至縣城西南與西南源之出郭
邨山者會而東經城南又東北流與南源之一出焦
村一出雀村合而北流者合又東北七十裏與小溪
河會陽溪河既會小溪河又東北流百餘里至涇
縣北境與東南來之梅溪河會又東北九十裏分支
津北流入橫湖注石碓河北入江正派東北流八十
里至宣城縣西北境之灣沚鎮西北又分二派一西北
流經方村鎮東又西北流一東北流至黃池鎮南有烏溪鎮
水東北自水陽河來會又分支渠北達水陽河其一
支西北流與方村鎮一派合曰縣河西流經蕪湖縣
城南折而西北流經魯港鎮之東北又東北六十里
入江此水三源皆在黃山之北

至太平府治當塗縣西南境之水陽江口水陽江即

姑熟溪南自寧國府北流至當塗會廣德建平高淳

諸水西北流注之

水陽江南出寧國縣有二源西南源出縣南與績溪縣界之叢山關

西北北流有四小水東西來會又北流經胡樂司西又北流數十里曰西河折東流至蟠龍鋪之西北有

一溪自南合東來二水來會又東北流六十里經縣城西北有東河自東南來會東南源即東河又有二

源一東南出與浙江界山兩水西北流合經獅橋鎮南又西北至石口鎮南折而北流有一水自南合二

溪北流百餘里來會又折東流經梅花鎮北而東又折北流經河滙溪鎮西又西北八十餘里至縣城東

北又北與西河會於可渡鎮之西始曰大河北流又西北經杜遷鎮黃渡鎮西受西南來之小水二又北

分為二派一北流一西北流數十里至寧國府治宣城縣東南又分二支一北經府城東北即折東北流

一北流二十餘里合於府北山東麓稍東北前北流
一派自南來會又東北復分為三派一派東流會裡
南湖一派東北流會高淳縣東南之因城湖一派北
流八十里至水陽鎮西南有支津與東北派者通又
北流四十里折西北流至烏溪鎮東南有支津與清
弋江之經灣沚者會又西北流分為二派一西流有
黃池河南自黃池鎮通清弋江來會又西稍北流經
太平府南境而西至東梁山之南麓其前分一泚西
北流於府東南又分為二一西流一北流會高淳縣
塘溝河西流經府城南折而西南流會前西流之泚
又西南於東梁山東南麓復會西入大江水出廣
德州者有二源一曰東溪亦有二源一東南出與浙
江界山西北流至廣德州城東北一東北出杭村鎮
西南流至州城東北合而西北有水西南自陽灘來
會又西北曲曲流出山折而西至建平縣東南有西
溪自南來會西溪出州南境陳陽司南山北流數十

里經柏店東折西北流有水合二溪自南來會又北
百數十里會東溪河又西有水西南自唐尼嶺北流
經十字鋪又東北來會又西北經縣城西南又西北
曰溪河西入南琦湖南琦湖之南曰裡南湖北曰因
城湖實一澤東西狹南北長南承洪村橋水為裡南
湖有姑熟溪支河西自寧國府東北來會迤而東
北受一東南來之水又北有溪河東南自建平來注
之又東北經定埠鎮西又北有胥河東自溧陽來會
湖水自西北流有姑熟溪支河西南來會又北而西
經高淳縣城南又西北經滄溪鎮東北有石白湖水
自北支津相會又西北曰塘溝河經薛鎮南又西北
至太平府東南水陽河支津自南來會又西北至城
東南分為二派一經城南而西南流合水陽河於東
梁山南麓西入江一經城東而北石白湖支水自東
來會於府城西北入江石白湖在高淳之北溧水
縣之西南東西長八十里西南支津通高淳縣西之

塘溝河自湖北流出一水經博望鎮東又北折而西
流經丹陽鎮南又西曰新河經府城北而西至采石
鎮之南
入江 南岸博望山與北岸和州南之西梁山隔江

相對亦曰天門山

博望山今曰東梁山以與西岸梁山對也

又東北北岸

為橫江口斗屯河西北自巢湖來注之

巢湖在廬州府治合肥縣

南境廬江縣北界東西廣百餘里南北八十餘里形
稍方中有姥山孤山近西岸為江北巨澤周四百里
自合肥南界諸水皆匯注之其上游則肥水及舒城
縣之巴洋河也 肥水出合肥西之雞鳴山亦曰金

斗河東南流有一水自西蜀山來會又東南經府
城北又東有店埠河東北自園疇來會又南流九十
里入湖 肥水之西南曰派河出西南大尖山之東
麓東流經派河驛南又東流稍南入湖 派河之南

曰界河即挑溪也源出舒城縣西北界山東流經挑
城鎮南又東北流折而東南入湖與西南來之巴洋
河合巴洋河源較諸水最遠出潛山縣北界小路
之北山其山以東之水皆東南會桐城之攢陽其西
水即此河也東北流經桐城西北之五嶺山馬嶺山
西麓曲曲已二百里東北至龍河口有龍河北自舒
城縣城西來注之又東北數十里經縣東南境又東
北八十里會界河入湖湖自肥水口東南經忠廟
鎮炯煬鎮南又東南有支渠東流有柘皋河東北自
浮槎山又有下閤鎮河自東合而南流來會其南又
受一小水東稍南流經巢縣城南又東南八十餘里
至黃落河鎮之東北分為二派其南流者經漕運鎮
西又分二派一於鎮南東合其一南流經無為州
東境又南分為二派一正南於泥汊鎮之西入江正
與東岸荻港相對一東流經柘港汊南而東入江即
古濡須口也其東南流經漕運之北而南又合西來

支津稍南又分為二派一東南流經雍家鎮之北而東南入江曰裕溪口正與蕪湖魯港鎮相對其東北流者即運河亦曰牛屯河又東北經和州東南境之西梁山北又東北入江即古橫江正對東岸太平府西北之采石磯也又東北經太平府城北之采石磯即古牛

渚又東北經江寧驛西又北流經烏江鎮東板橋鎮

西東岸有秦淮支津口

見後

又北有支津口二江寧縣

西南境其西岸即江浦縣東境也又北至江寧府城

西北境折東北流經北岸浦口南南岸有秦淮口

秦淮

水源出句容縣北華山東南流折而南八十里經縣城東而南又西南五十里有運河東北自鎮江府丹

徙縣南境西南流來會又西南六十里至拓塘鎮西北有水東南自溧水縣西北山來會折西北流至秣陵鎮東有湯水北自湯泉東南曲曲流經句容西北境折而西經湖熟鎮龍潭鎮北又西南七十餘里來注之又西北流經上元縣東南境之方山西又西北百里至府城東南分為二派一派西流又分為三一派南流四十里至板橋鎮之西北入江正對和州東北境之烏江鎮也一正西流入江一西北流入江正當府城西南其西岸隔江即江浦縣城東境也一派北流入府城南又西北流出城西門與支津自南來會又北經西城外而過龍江關入江陽江北岸稍西即江浦縣北境渡江孔道之浦子口也江寧東二度一分極三十分又東北經鐘山攝山北中有長洲至南二度一分

岸句容北境龍潭驛北北岸為瓜步山六合縣東南

水口有滁河西自含山全椒來東南流注之

滁河出含山縣

西北黃山東南流經縣北境山中九十里曰後河折而東北至全椒縣東南境有一水北自花山合三溪來會又東北經東葛驛南江浦縣北境又東北至山麓曰天河又東北至六合縣西南有一水自北來會經縣城南而東折東南流至瓜步口入江江有洲大江又東流過南岸河口

鎮炭渚驛北岸有北新洲即儀徵縣城西南之汊河

口運河東北自江都南境分流來注之

運河見前

稍東有

福德洲又東過南岸高資鎮北又東經鎮江府治丹

徒縣西境之北固山銀山東為京口運河自此南至

於杭

見運河前

江中有金山

在府城西北

北岸為運河口

即淮揚邳溝入江處

在江都縣南

稍東即瓜洲鎮港

見前

南岸自京口東經府城北之蒜山京峴圖山江

中有焦山

京口東三度弱極三十二度三分

又東為府東水口江中

洲嶼稍多自此又折東北流濶三十餘里北岸有芒

稻河口泰塘港口

見前

南岸為大港鎮東之安港鎮口

計自江西湖口東北流至此而極徑一千二百餘里

北岸自江都東南至泰州

界也江始折東南流北岸有白塔河口又東南為泰

州西南之河口又南為州南境口岸司南

司在江之東岸其西

岸即安港鎮水之復入江口也

又東南經西南岸丹陽縣東北之包

涇鎮有九曲河口

見後

江心有二洲自此江濶四十餘

里矣稍東為孟河口又東為常州府治武進縣北境

之連江橋河及新園河口

俱見後

北岸即泰興縣城南

河口也

見前河口南岸即新園河東之圩塘鎮

又東稍北流復折東南經

靖江縣城南南岸即江陰縣城西北之君山

靖江縣西南濱

江江中有二大沙洲即馬駝沙有黃田港口

在君山西見後

又東稍北過山

麓北岸為如皋縣南境河口

見前

又東南至通州西境

之廟港甯江流極濶東西相望六十里稍折而南經

州西南馬鞍山黃泥山西麓西南岸為江陰東境橫

河口又東南為揚含鎮南之谷瀆港口又東為常熟

縣西北境之奚浦港口

俱見後

又東為福山港口福山

城山在口西北臨大江與北岸通州南境鹽河口之

狼山遙對為大江門戶狼山之東有龜山在水口南

與岸劍山相望又東江流益濶北岸經永安鎮南南

岸為土堡河口又東南為徐六涇口

南北濶八十餘里

又南

為昭文縣東北境之白茆浦口

自浦而南為太倉州北之七鴉浦東踰海

港即崇明縣懸居海中為大江口南之蘆沙自白塔口東南至蓼角嘴白茅鎮七百里

北岸自

永安鎮東北經餘西餘中餘東呂四諸場之南又北

至蓼角嘴與西南昭文白茆浦相望正南與崇明縣

西北平安鎮舊城相望是為大江入海之口

東四度七分極

三十二度

蓼角嘴之東為大海洋西南徑白茆浦

百四十里正南徑崇明舊縣百二十里

計岷山源

至口東西徑十八度

自金沙源至口東西徑

三十度

自鴉龍源至口東西徑二十三度

水道提綱卷十

欽定四庫全書

水道提綱卷十一

原任禮部侍郎齊召南撰

入江巨川一

涪江 白水西漢嘉陵江 渠江
黔江即貴州烏江

涪水嘉陵渠河三巨川會於合州南至重慶與大江
會全蜀地居其半自岷源以東秦隴以南漢水以西
諸流畢匯三巨川中嘉陵尤巨兼白水西漢源遠流
長今編次由西而東自涪江始

涪江古涪水出松潘衛東稍北之小分水嶺

西水皆入岷江嶺東

二源合而東北流又有二源出西北山合而東南流來會即邊界弓楨口之南山水也東經三合堡南有

一水北自弓楨口東南大山南流經堡東來會

三水會於三合堡南東南流

六十里有一水自東北來會又南八十里經小河營

西曰小河又南有木瓜河自西來會

水出松潘衛之東大山東南流

又東南流五十里北有水進河南有黑水溝並來會

水進河出小河營東北山黑水溝出西南山

又東過鐵索橋

橋曰水濟龍安西達松潘

道也凡六十里有仙女山水自北來注之又東南經龍

安府治平武縣西北境之瑋塔壩南有一水自西南來注之又東五十里經鐵龍堡南有白馬河自東北合二

水來會

一西北出北邊界山東南流百餘里折而南至陽地隘西其一出青川所西北與陝西界

之摩天嶺西山西南流八十餘里又南流經府城西至隘北來會又西南曲曲流注之

而南折東南流經古城南又東南有一水自北來注

之

即青川溪源山西北麓水也

至此始曰涪江又東南八十餘里

至舊州東有白支河自東北來注之又折西南流經

煽惑溝東又南經江油縣城東南

自舊州南至此一百三十里

又

西南流至中壩北分為二派至壩南復合稍南至彰

明縣城又分而經城之東西有小江河即古廉讓水

自西北來會

小江河源出武平縣西南山一出縣南樂叢山會於大郢堡之南東南流百餘

里至平通堡西折西南流數十里經江油縣西境又南合縣西一水又南經中壩西又南至彰明縣城之西北會至城南復合又南經漫波渡有石板河西自

涪江

石泉縣合諸水來會

石板河二源西北源出平番營東南山東南流百餘里至白草

壩南又東南七十里合石泉北山之龍安水南流五十里經石泉縣城西又南而神溪河自西南來會

西南源神溪河出茂州東北山東北流百里有水北自壩底堡來會又東北五十里會龍安水東流經縣

南九十里有都壩河自東北來注之折南流經兩山間曰石板河折東南流至漫波渡南入涪江龍安

水即安昌水

又南折而東經綿州北境有東河自東北來

注之

東河即古潺水

又南經州城東而南有茶坪河西北自

安縣來注之

茶坪河出安縣西境茶坪山東流經桑園北又東北至縣城西南有水自西

北來經城西而南注之又東南流經義興場花街子北又東南經州城南又東南入涪江

又東南

百五十里至潼川府治三臺縣西北境又東南經府

城東北又東南有中江水西自中江縣北合羅江縣

諸水來注之

中江今曰羅江河源有二北曰黑水河南曰冷水河地在茶坪山之南綿竹水

之北重山連接俱東南流百餘里至羅江縣城北合而南流經城東又東南百數十里經中江縣城西有小水自西南來注之折東經城南而東有小水自北來注之又東曲曲百四十里經府城南又東入涪江此水自羅江以西隔重山其西水即綿陽河南合沱江者也又東南有桃花河自

北來注之

水三源出北山合而南流入涪

又東南經射洪縣城北折

而南經其東又南有唐橋溪自西來注之

唐橋溪出射洪縣西

境山東流至縣南境入涪江

折而東十餘里有梓潼水北自鹽亭

縣合諸水來注之

梓潼水即射江亦曰瀾江源出白支河源之東南劍州西北五子山

之西大山南流山中百里折東南流六十里受東北一小水折而西南流經梓潼縣城西又東南流曰梓

潼河折而南有鵝溪水自東北來會又南至鹽亭縣西北境有石牛鋪水合魏城驛水自西北來會又東南流經鹽亭縣城西南又東南有少沙河自東北來會又折西南流有鬼溪河自東北來會又南至射洪東南之獨坐山入涪江

又曲而南而東折西南流數十里復東

南流有楊桃溪自東北來注之又南經清堤渡曲曲

而南有郪江合諸水自西來注之

郪江三源東南流有水西南自河邊

場之西南山東北流經蓬萊鎮南而東來會又東折至黃龍鋪之西北入涪江涪江自此亦折向東也

東流而南有馬桑溪東北自蓬溪縣來注之

溪出縣西北文

井場之西高鳳山東流經場南折南流又西南經縣城西北又西南數十里折而南流至遂寧縣北境入

江

又東南經遂寧縣城東又南流折而東南有兜溪自

北來注之又東南百三十里折而西南三十里又南

流有關箭溪自西合安岳安居場諸水來注之

安居場水

出樂至縣之東境山三源合東北流經場北又合

一水折東南流有魚海河西南自安岳縣來會

安岳

岳縣城東會西北來及西南來二水東北流又合北來

二小水折而東流與安居場水會又東南流有灌子

河自西南合白水河來會又

東南曰關箭溪東入涪江

又折東稍北流數十里

至合州西北境折而南流經州城西而南有立石河

西南自永川璧山銅梁來注之

立石河出永川縣西南山東北流有雙石

河自北合二水來會又東北經縣北境又東北百里有晏渡河西自銅梁
縣東北流來會又東北至東經城南嘉陵江合渠河
合州城之西南入涪江

自東北來會

涪江源流
幾及千里

嘉陵江即西漢水下流合白水江而益大

白龍江出陝西岷州衛東南楊滿城西北分水嶺

嶺西

北水皆流入洮河者西十二
度二分極三十四度三分

墊江之北源也俗曰岷

江一出嶺下南流經城東稍西南其一出嶺南之分

水嶺東南流來會稍南有荔川河自東來會南數十

里有臨江東北自岷峨西南流來會

岷峨山在分水嶺東南百里其

東北水流入西漢水者

折東南流經臨江鋪西俗曰白龍江亦

曰臨江又東南有武都山水自東北來注之又東南

經朝陽山西西固所東南有白水江西自邊外來會

白水江即古桓水亦曰墊江源出邊外洮源東南之

西傾山

山在洮州衛西南三百四十里一名西嶺山亦名強臺山番語曰羅棟普喇山近黃河折

向西北之東岸山綿亘千餘里西十二度五分極三十三度九分

源曰裴雜塔拉泉

澤十數泓湧成二渠滙東南曲曲流百五十里折而

南流九十里又東流曲曲三百里曰香出必拉入陝

西邊經武都關南又東經西固所南又東南與白龍

江會水勢始盛又東南流有清江西南自邊外來

會清江源在白水江之南舍哥普山東北流百餘里入邊至階州西境入白水江稍東有兩

水北自朝陽山東麓來注之又東南至階州西南有

東川水西自邊外來會清江源之西南山其西岡阜連接南與四川弓楨口北之

大山相近東川東南流曲曲折而東北數百里入邊注白水江又東經州城南有北

谷河合赤沙水自北經城西來會又東南百餘里有

紫水自東北來注之又南流九十里經臨江驛西

西岸

即百頂山金珠山八盤山

又東南有紫泥山水自東北來注之又

南經文縣東境俗曰黑水江有乾溝水自東北來注

之又南經玉壘關東有一水西自文縣合諸水來注

之

水出文縣西境山曰毛溝河東流合北來之馬兒河火燒關水南來之立志山水又東經縣城南又東

南流合南來一水北來西番溝水又東南至玉壘關南東入白水江

又東南受北來

一水又南入四川界經昭化縣北境之余山鋪西又

南有溪河自西北來注之又東南數十里至昭化縣

城北有黃沙江西北自摩天嶺合青川及劍門水來

而嘉陵江合諸水東北自朝天關來並會

黃沙江源出摩天嶺

南流百餘里有青川所二水自西合來會又南折東南流百里受南北二小水又東流經劍閣山北有水西南自劍門驛來會又東至昭化城北入此江即古白水江西十度六分極三十二度五分

葭萌水也

西漢水亦曰沔水即漢志誤指為禹貢之嶓冢導漾

者源出秦川西南之嶓冢山

西十度極三十四度五分即漢隴西郡西縣之

嶓冢山也在寧羗州漢源嶓冢之西北四百餘里脉自白水江源山曲曲而東為分水嶺又東為岷莪山

又東北為箭杆山柏林山青陽山又東為老君山為
朱圍山為溫泉山刑馬山其北伏羌縣其東南即西
漢水源之嵎冢山連亘而南西南流曰漾水有小水自東南來會

又西北曲曲流曰鹽官水稍北有橫水嶺水南自西
和縣城東來會又北有永平水東北自刑馬山來會
折西流至禮縣東有水西北自柏林青陽東南流經
縣城東北來注之又西經縣城南又西折西南流數
十里曰長道河經西和縣西北境折東南流過仇池
山西麓

仇池山在西和縣西南成縣之西北界脉自
嵎冢綿亘而南至成縣西北界為壽山為青

崖山西為橫水嶺又西為西和南山又西為仇池

有岷峩江自西北岷峩山

東麓來注之

其西麓水即流合白水江者

又東南流曰犀牛江經

階州東北境成縣西南境之祁山麓有石碛關水自

西北來注之

即橫水嶺之南水也

又東南有潭河西南自階州

北之米倉山東北流經甘泉驛來會曰兩河口

西漢自發

源西流而南而東至此流如旋規

又東至成縣南境略陽縣西北境

有長家河自南來注之又東有黑峪江北自秦州南

山來會

黑峪江源出吳紫山南之九眼泉在岫冢東北七十里二澗合而南經街子鎮大門鎮又

南合東來之烏油江又南東合麻沿河又西南流至雞冠口西受西北來之建安洛谷二水又南經青泥嶺仙人關西又南經成縣城東南有濁水自西來注之又東南數十里入西漢水又東有青

泥嶺水自北經仙人關東來注之俗亦曰白水江折

東南流有九龍池水東北自徽州合三水來注之又

南流至略陽縣北之八渡山西嘉陵江東北自鳳縣

合諸水來會

西十度五分極三十三度六分

嘉陵江出鳳縣東北之嘉陵谷

西九度四分極三十四度三分此山之東

北即寶雞縣渭水也

西流經東河驛橫牛堡紅花鋪北折西南

流經草涼驛白家店西

此水旁即北自陳倉南入漢中川蜀驛路

又南有

大散水斜谷河自東北來會折西北又西南流經縣

城西北又西南有魚河自北合紅犀單河二水來注

之

一北出藏家嶺一西北出黃交谷南

又西南經兩當縣南境有下邳

水自城西南來注之

此水於永寧堡之東南入嘉陵江

又南流有高

橋河自西北合永寧河來會

高橋河出兩當縣西北山東南流有永寧河自

東北來會又東南流經太白池東南入嘉陵江

又南有野羊北河合諸水東

自鳳縣東南境來會

野羊北河出松林驛東南山西北流經驛西又西北至廢邱堡

合東北來一水又西流有蜜蜂溝自南來會又西北折西南經藍安關山北又西南入嘉陵江又西

南經徽州南境百餘里至八渡山西北西漢水自西

來會嘉陵江既會西漢水南流稍西折東南流有

橫壩河紫混山水自西來各注之又東南經畧陽縣

城西又東南有八渡河自東北合諸水經城東來會

八渡河出紫柏山西北流曰中川有三川自東北來會西南流八十餘里有水自東南來會又西流折而

南經畧陽東南注之又南有白石溝自東北來注之又西南流

經寧羗州西北境之陽平關西陽平關東南六十里有大山即禹貢之嶓

冢導漾東流
為漢者也

又西南有洛索河自西來注之又南流

百里經四川廣元縣北界有小水西北來注之

水出陝西

界山南經大小漫天嶺山麓又南至朝天關西有水東

北自七盤嶺關南來注之

七盤關川陝分界其北水即東北經寧羗州北合漢

水者也此水自關下西南流經神宣驛北又西經大山麓至朝天關西北入嘉陵江

又西南九

十里經廣元縣城西又西南有稻壩河東北來經城

南西注之又西南至昭化縣東北白水江自西北來

會

嘉陵江既會白水江於昭化城東北南流經城東又

南稍西曲曲流百五十里有劍水西北自劍州來注

之

大劍水出劍川西北山東南流至州北有小劍水自北來會經州城東北又東南百餘里入嘉陵江

又南八十里經蒼溪縣西稍南折而東經其南稍東

又折而西而西南又東南經保寧府城西有北溪河

自西北來注之

北溪出蒼溪縣西北山東南流入嘉陵江

稍南折而東經

府南境稍東有東河東北自陝西寧羗州界西南經

重山四百里來注之

東河源出寧羗州東七眼泉南流折而西南入四川廣元縣東

北界行兩山中曲曲數百里曰東河至百尺關西入西南至蒼溪縣東之雲臺山麓又南流至府東境入

嘉陵江又南有苟溪東北合塘溪來注之塘溪出觀音場北七十里

山南流至場北折西南流有苟溪自北來會西經廟閣樓北又西南入嘉陵江又南稍西六

十里至南部縣西北折東流經縣城北又東南流有

禹跡山水自縣北境來注之稍東折南流數十里有

安居場水自東北來注之又南至蓬州西北有西河

自劍州西北來注之西河上源曰武連河出劍州西北境五子山西南流九十里折

而東南經武連驛南又東南數十里有柳池溝水自北來會又東南曲曲經保寧府治閬中縣西境又東

南至南部縣南境有袁家河自東來注之又東南折而東流入嘉陵江此水行四百餘里又東南

經州城北東南如玦至州西南折向南流有清溪自

東北來注之又西南流百餘里至順慶府治南充縣

東北境折南流經府城東而南有蠻子河西北自西

充縣來注之

河出西充縣東北山西南流經縣東南又西南流數十里折東南流經府城西

南又東南入嘉陵江又南流八十里有曲水河自西來注之折

東流有清水河自北來注之又東南五十里有西溪

東北自岳池縣北境來注之又西南曲曲東南至定

遠縣城東北有岳池水東北自城左右合西南流又
合一水來注之經縣城東而西南又東南旋折如帶
有苦竹溪自西來注之又東南流八十里至合州東北
渠江自東北來會曰嘉渠口 又南流浩江自西來
經州城之西而東來會於城之東南曰三江口西十
度極
三十度二分釣魚山在涪江之北嘉陵江
之南嘉陵自源至此徑一千七百餘里

渠江即古巴水今曰渠河實巴渠二水之合也 巴水

出陝西西鄉縣西南之大巴山

自漢中府治南鄭縣
南境之巴嶺東連

雲兩角米倉諸山其南即巴州北界也自米倉山而東為大巴山又東稍南為小巴山巴江水出大巴山之麓西流入四川通江縣東北界俗江縣北界折西南流

曰東河折西南流百餘里有洪口河東北自陝西界

西南流來會

洪口河二源東源出關壩北大山西南源出竹絡關山東南流合而西南

數十里又西北流又數十

里折西南流與巴水會又南八十里經通巴營西

而南有小水東北自黑灘子來注之又西南經縣東

南有西河自西北經城南來會

西河即巴水西源也亦曰宕水源自南鄭

南界米倉山之南通江北界之羊圈關南流有南盆河自東來會又南流有朱家河自東北來會又南小

水自西來注之又南西受板橋河東受夜叉河水又南經新長壩西有水自西來注之又南東受流溪河水又南數十里經縣西境折而東經縣南而東與東河會此水源流與東河等又西南七十

里有楊柏河自西北來注之又西南百三十里至巴

州東南境有南江水合諸溪西北自州城及升渡河

來會

南江水二源西北源出陝西羊卷林闕南界曰蟠潭河東南流八十里東北有闕蟠河西南流

來會又南六十餘里經南江縣城東南亦曰難江又西南流七十餘里有羅溪河西北自三角山來會又南經羅坪鋪東南有沙河自西來會又南六十里有南屯河東北自闕壩東南山西南流合東來之三溪河及開田壩水又西南百數十里來會又南稍西曲流百餘里經巴州城東又南折東南流六十里有

青趕渡河自東北來會又南五十里有恩羊河自西北來會又東南流六十餘里折而南五十餘里有升渡河西合花叢埡西及觀音場東水東經儀隴縣北境東南流來會折東流四十里巴水東北自通江縣來會此水合諸溪澗水勢與巴水合東西河亦相等又南稍東流百二十里

至渠縣東北境渠河合後中前三江水東北自達州來會渠河三大源最北曰後江次曰中江次曰前江後江又有二源最北者出太平縣北與陝西星子山連之大橫山西南流六十里經縣城西北又西南流九十里其東源曰白沙河出縣東北華岳頂之

萬頃池東南流依山麓折而西南經縣南境百餘里
又西南與北源會曰後江又西南六十里折而南流
九十里至普光西中江自東北來會 中江源出太

平縣東境之白支山黃墩山

黃墩山北麓水即北江北流入陝西合渚河入

漢水者也

西南流百餘里有石塘溪北自石塘壩東南流

來會

石塘壩在縣南境白沙河南岸山南

又西南有廠溪自東南來注

之又西南九十里至普光北西會後江又南曲曲九
十里經東鄉縣城東稍南前江自東北來會 前江

源出太平縣東與陝西雙河關界之金城山關北水即紫陽

縣之任河北流入漢者也此山西自白支黃墩來東與九龍山及分水嶺相接其水曰五溪河曰分水河

皆南至南流折而西南曲曲行山中三百數十里至

東鄉縣東南後江合中江自北來會又西南百里經

張家埠北折而南經達州城東有蹬子河東南自新

寧縣合諸水來注之蹬子河出新寧縣東境山中西南流數十里經縣南境天子殿

山北又西南合東南來一小水折西北流有水自南來會又北至風洞鋪新寧縣河三水合而西北折西

南流來會又北受西來一小水又北受西南來一小水折而西流至張家埠南西入渠河又南折

西流經城南又西南數十里有通巴河自南來注之

通巴河二源出月口山狐狸山北麓合北流
山中百五十里折西北流五十里入渠河 又西南

七十里有清溪河西南自大竹縣合諸水來注之

清溪

河即東流溪出大竹縣東南月城山東北流有竹溪
自縣西北合九盤山諸水東流經城北有水自南來
會又東北受南來一水又東北會清
溪河又北流數十里折西北入渠河 又西南至渠縣

東北境與西北來之巴江會 渠河既會巴江西南

流過白水洞山北又西南受東來一小水西至渠縣

城之東有流江河西北自儀隴營山二縣來注之

流江

河出儀隴縣西北山西南流折而東南經縣南境之
金鈎場北有允家山水自東北來會又東南百里受
西來一水又東南至營山縣東境有蘭溪河西自縣
城西東北曲曲流來會又東南九十里經渠縣城東
北入渠河又南六十里折西南曲曲過雲霧山西麓百餘

里至廣安州東北曰篆江經三十六灘亦名洄水南

經州城東有西河自城西及南東流來會

西河即環水出州北

山又東南折而西南百三十里至合州東北之嘉渠

口嘉陵江西北自定遠來會

巴江渠河自源至此俱徑千里

又西南

經州城東南涪江自西來會曰三江口

涪江既會嘉陵江渠河又東北流十餘里折而南曲曲
流百里至重慶府治巴縣西北境有虎耳河自西來
注之又南有青水關河自西來南合萬壽水東流注
之又南折東南流經白岩北過魚鹿峽又東流經府
城北稍東入大江

大江自府城之東
南北流來會而東

按西川東川之水至重慶府而俱會於大江惟黔
江南自貴州來至涪州始會

黔江亦曰涪江即貴州之烏江也源出威寧州東北山

西十二度一分
極二十七度強

東流數十里一水自南來會東南流

經黑章汎北稍東有一河合三水自南來會

三水一出歇涼

亭北東流一出南山北流而合一
出東南山西北來會又北合焉

折北流曲曲而東

八十里有則底河合後所河自北來會

則底河出四川鎮雄土府

西境山南流八十餘里入貴州界有後所
河東自七星關北大山來會南入黔江

又東南伏

大山下二十里於南麓流出經七星關南又東南流

曲曲百三十里至畢節縣南境之大山而伏三十餘

里于東麓復出曰天生橋東稍北流有落腳河北自

大定府西北合畢節諸水來會

畢節縣西南二水東南流合而東經縣

南境又南合一水東流有縣北水自西北山東南流經城東北又東南合北來一水又東合北來之裸獮

河又東南經沙子哨北合東北來一水又南曰落脚河經大定府西境百數十里曲而西南又東南流入

黔江又東經府南境八十里有烏西河自北來注之

西鳥

河出府東北山東南流折而南而西南曲曲百四十里經北渡坡西又南流入黔江俗曰六歸

河又東稍北五十里有西溪河自北合二水來注之

又東流至黔西州南境有裸隴河高家河俱自西南

來各注之又東南有楊柳河西南自平遠州合諸水

來注之

楊柳河出平遠州西南境山曰卜牛河東流至州南境有猪場水自南來會東北流經州

城稍北有二小水自西北來注之又東北經大山又東北七十餘里入黔江

又東南有以

麥河自西南來注之

河出平遠州東境山東北流

又東有三盆河

西南自安順府西合以且海諸水來會

以且海在威寧州東南二

百里阿遮汎之東南水城汎之西北也西十一度六分極二十六度六分池周二十里東北流有一水自

西北來會東南流至扒瓦汎南有水城汎河自西南來會又南折而東有以固汎前河水自東北來會俗

曰簸渡河又東南百數十里至西堡司北折東北流百里至安順府西北境之定南汎北有古北河北自

平遠南境猪場南界山合四水南流注之稍東有三盆河東南自府西境山西北流合三水經定南汎西

而北注之自此東北俱曰三岔河也又東北百數十
里經安平縣西北境又東北經清鎮縣西北境折西
北流合西南來之牛場河又北百七十里至鴨池汛西南
與西來之黔江會此水自源至此流七百里與黔江
等實黔江之
南一源也 又北折而東經鴨池汛北有池水自南

來注之又東稍南有跳蹬河南自鎮西衛來注之又

東北經修文縣西北境有雞公河南合廣順州及安

平清鎮二縣水來注之

雞公河上流曰麻線河出廣順州西境山東南流合西南

來一水東經州城南折北經其東又北經象鼻關之西又北曰麻線河經廣興鎮西又北經安平縣東境有縣河左右二水合南而東北流八十餘里來會又東北經清鎮縣城西折西其北而東有一水南自城

東來會又東北至修文縣西境有縣南水經城南東折西北流來注之又北有那奢河自東來注之又西

北入黔江又東北經六廣汎西北又東北經開州西境之

修文所西曰六廣河又東北曲曲至烏江城南有息

蒙所水自東南來注之其西岸有以濟河西南自黔

西州合諸水及北境之沙溪河來會

黔西即舊水西也

西北山南流經城西折而東南流合西南來經打鼓寨之水折東北流百四十里曰以壩河有渭河西自

山中來會又曰以馬河又東北七十里來會又東北與自州西北境合三水東流百五十里來會又東北與

西來之沙溪河會東入黔江沙溪河出州西北與四川界山東流經清水塘南又東依山麓合西南來一

水又東稍南會以濟河入黔江

又東北經烏江城北鎮南關南有小

水自北來注之

南岸為開州北境北岸為遵化府西南境

又東北有小水

自南來注之又北一小水自西北來注之

即楓香壩東南水

折東南流經雞溪口南有小水自南來注之又東南

經遵義府南境有樂閩河自西北來注之

水出府西南之雷變

山又東有清水江南自貴陽府治貴筑合龍里貴定

諸水北流來會

清江水三源一曰牛路河出貴筑縣西南境山東北流曰四方河至中曹

司東有兩江河自西來會又東有一水北自老鴉關來會又東經府城南又東北流有龍洞河自南來經

黎免關西來注之又東北曰牛路河又東北經虎墜
司西又東北曰千壩河經巴香汛西而東北龍里貴
定二縣水自東南合而來會龍里縣西南二水東
北流合而東經縣北境又東有西堡水自南來合東
南定水壩水北流經城東而北來會又東南一水北
經龍頭營之西而北注之又東折東北流九十里至
喇啞村西有貴定縣水自東南來會貴定縣水源
較諸水最遠出舊縣西南百四十里谷壤汛西北大
山東北流經平伐司北又東北至舊縣西有一水西
南自谷壤汛北東北曲曲流經太平司南又折而北
來會又有一水自東南來會又北流折而西北經把
平小平二司西至山麓折正北流經新安堡東曰瓮
城河又北經貴定縣西境有水東南自城西來一水
東自城北來會又北經新添司西又西北至喇啞村
西南與龍里縣水會又北流折東北數十里復西北
流至巴香汛東北與府城之牛路河會又北流七十

里有洗泥河自西稍南來會又北折西北流經開州東境又北開州東西二水自州城北東北流來注之

又東北曲曲百餘里入烏江此水源流五百里貴州西九度九分極二十六度五分自此俗

曰烏江又東南流曲曲經甕安縣北境北岸遵義府東南境也

有湘江西北自遵義府城東合綏陽縣諸水南流來

注之

湘江出府治遵義縣北境梓桐縣南境之龍岩山兩源一東南流一南流而合曲曲東南經府

城東北又東南有挑溪自西北山東南流經城南而東來會又東流數十里有洪江自北來會洪江出

婁山關南山東南流至遵義東境之清乘橋北有鳳凰溪東北自綏陽西山西南流來會又東南入湘江

湘江又東南數十里有鹿塘河北自綏陽縣來會鹿塘河二源一出綏陽縣西北山一出東北山流

至城南合而南數十里有一水自東北來會又南八
十里會湘江湘江又南流九十里折東南流五十

里入烏江此湘江與沅湘不同

又東南有眉潭河自北來甕安河

自南來並會

眉潭河出眉潭縣北境龍泉西境山東
南流至眉潭縣東北山折西南流受北

來一水又西南經縣城北折南流經其西有一水自
東南經城南會又西流北受一水又南稍西流百三
十里有一水自北來會又西南八十里折南流入烏
江甕安河出甕安縣南境山兩源俱西流而合折
東北流曰乾溪河又北受東來一水又北經城西北
又北有坪橋河自東南經城東來注之又北受東南
來之紅頭鋪河又北受東來之草塘司河又
北九十里入烏江江口正北與眉潭口相對烏江又

東南至餘慶縣西北境折東北流有餘慶司水自北

來注之

水在眉潭河東隔重山

又東北百里有牛場河合小江

自南來注之

牛場河出餘慶縣西南境山東北流百

里經縣城東南又北八十里有小江西

南自縣西之清水洞來會又東北北受落花屯水

出水

眉潭縣南境山

又東北經石阡府西境龍泉縣南境有岩頭

河自南來注之

岩頭河北流經石阡府南境

又東北至府北境思

南府西南境有白岩河南自石阡府城來注之

白岩河出

府南二源一出南山北流經鐵廠西一出東南山流與合又北流曲曲經府城西南又西北折而東經城西北又北有一水自東來會又北稍東曲曲百餘里入烏江又東北有清江溪合

諸水西自龍泉縣來注之

清江溪出龍泉縣西北山東南流有羊子河自北山

南流有石貫河自西南山北流來會東流經縣城北又東流百里有松溪河合數小水自北來會又東南

至思南府西南境有板坪河自北合二水來會又東南入烏江又東北至思南府城

東南有小水三自東合來注之

即印江縣南朗溪者東南三水西南流者

折北經城東又北有猛溪河自東南來麻海溪自西

南來各注之又北稍東經印江縣西北境有清水江

東南自縣城來注之

清水江三源一出印江縣東北山西南流二出東南山俱北流

合而西經朗溪司北又西經縣城南折西北流又北有一水自東北經城北來會又西北流入烏江

稍東百餘里至婺川縣東北境之沿河司東折西北

流入四川酉陽州西南界有三岔河東北來注之三岔

河二源出酉陽州西境山一西南流一東又北稍西南流數十里合而西南南又西北入烏江

百餘里東為四川界西為貴州界又南溪河東北自湖廣施南府

合諸水西南流至龔灘來會南溪河上源即北河也北河出湖北施南府

南境忠洞之北山南流八十里至忠洞東南折西流有白龍潭水西北自高羅司來會又東南流有車峒

河自東北合一水來會又西南流經忠建司南有川

弔河爛河諸小水自西北來會又西南至來鳳縣境有大旺諸水自西來會又西南合左右諸溪曲曲二百餘里西流入四川界經酉陽州東北境之西嶺顧

北又西有唐崖河北自黔江縣來會又西南流受數
小水曲曲流百五十里至州西界之龔灘東又西南
入烏江此水源流五百餘里唐崖河源出金崗之
西北山東南流八十里折而西南七十里有南河合
馬河自西來會有大田水自東來會又南受東之馬
家山水又西南入四川黔江縣東北界之界山嶺東
又曲南經縣東南境之石牙關西亦曰大水溪又西
南有梅子關水自西北來會又南有金山崖水自西
來會又南自龔灘之西而北有洪渡河自西南娶川
入南溪河

縣合諸水來注之

洪渡河源出婺川縣西南境龍泉
縣北境山東流經綏陽場南折而

東北流有大水河自西北合一水來會又東北有小
水河自西來會又東北經簡家溝東又東北經豐落
壩東受西來一水又東北受西北來之龍登河又東
北經縣城東南又北受西北來一水自源至此二百

餘里曰洪渡河入東北百六十餘里又北稍西百二入烏江自此以後全入四川界矣

十里至彭水縣南境有長溪自西南來注之

長溪出正安東

界山東北流經貴州婺川北界入境又東北入烏江又西北經縣西又北有中

清河東北自湖廣利川縣西南流合諸水經城北而

西注之

中清河上源即龍觜河也縣之忠路北山有二源至洞源槽之西北合

龍觜河出利川

而南流又受西來一水南經忠路東又西南曲曲流西受胡家塘水東受沙溪水東南受活龍坪水又南百里入四川北崖關之北西南流曰中清河受東南來二水經郁山鎮北有後江河自東北來會又西南流有水洞河自北來會又西南至彭水東北有一水自東南來注之又西南經縣城北又西入烏江又

北有合溪口水自西南來注之又西北有木宗河北

自射香溪合二水來注之

射香溪出石碓司東南八十里山南流合西北來一

水經鹽田壩東又西南曲曲二百里合西北來一水南入烏江

折西南流至口鎮北

曰黔江河有渡頭河南自綏陽縣正安州合清溪河

三江河諸水北流來注之

渡頭河出綏陽縣西北境婁山關之東北東流合西

北來一水東經桑木關北合南來一水又東北流有

關渡河自西來會又東北曰米倉渡西受一小水又

東北有牛渡河自東南來會又北流有清溪河自西

南來會又東北經正安州城東南又東北有橋溪河

自西來注之又東北有二水合流自東南來注之又

東北有三江河自西來會三江河者一曰安泗溪自

西南來一曰羊心溪自西來一曰河九溪合黃泥河
又有白魚河合一水俱自西北來合而東南故曰三
江河也又東北經舊正安州又北而東百餘里有大
花溪自西南來注之折西北溪百餘里至江口鎮之
西入烏江

水流源六百里

此

又西流經武隆廢縣南折西北流有

一水自東北來注之經白馬鎮北有石梁河合三水
西南自方竹箐都家壩北流東合後溪河來注之又
北流稍西有大溪河西南自南川縣合諸水來注之
大溪河出南川縣南大山二源合西北流經縣城西
折東北流于城北受東南來之流金水又東北流有
石牛河合西南來一水西北來一水東北流來會又
東北流有坪壩河南自陶家營來注之又東北經楊

柳壩西鳳凰山東麓又東北入烏江又北有百灘溪自東來注之又北

折西而北流受西南來一水又北曲曲至涪州城東

北銅柱灘入大江亦曰涪陵江也

西九度極二十九度九分此水自

西而東而北源流二千三百里會貴州大定貴陽遵義平越石阡思南六府及湖廣施南半府四川酉陽黔江彭水南川涪州諸水實巨川也

水道提綱卷十一

欽定四庫全書

水道提綱卷十二

原任禮部侍郎齊召南撰

入江巨川二

洞庭湖所匯
資水

澧水

沅水

湘水

數澤莫大於洞庭自黔江以東五嶺自始安萌渚都
龐騎田以北羣流悉匯源流遠者可名不止於漸无
辰叙酉資足當九江之目其最巨能合百川南曰湘
西南曰沅西北曰澧實洞庭上源也澧較沅湘稍遜

今以江支津先會入湖叙首澧水

澧水源有二 南源出桑植縣境又有三源出縣西北
界者曰綠水河自奇峯關前東南流合西來白岩一
水東南流經縣城南其南源合數水來會 南源曰
上洞河出永順府治西北境大山東北流至上洞司
南田谷凹北有官壩河合田谷河自南來會又東北
經謝家塔北下洞司南有下洞河自西來會又東北
至桑植縣城南會綠水河又東北經舊村寨北其北

源來會

北源曰兩家源河出太平鎮舊建城北山

南流

此水及綠水河源西北之山即施南府東南曲境之車岡河諸水皆會為北河西入涪江者

曲經縣東境南與綠水上洞會折東南流有安福溪
自東北來會于南分山之北又東南至安福縣城西
北有王家坪水合三小溪自東來注之折南流經城
西而南八十里折西南流經茅岡司西又南有眉虎
溪南自永順東北境來注之又東經大庸所北有龍
爪溪西南自龍爪關合五溪河來注之稍東南經崇

山北南北各受一小水又東經永定縣城南南岬即
天門山也又東受北來一水又東北有天堂寺前水
自東北來注之自此曰陵江河東流受西南來一大
溪北來一小溪又東北流南北受二小水北至慈利
縣城西數里其北源之九溪河自西北合諸水來會
自源至此曲折
行七百餘里 北源九谿河出施南府東境宣恩

縣東鄉鎮之東北山曰鶯觜荒又東曰白蠟荒

其山西北

水皆入清江者二荒之北即四川巫山縣界

三水合東南流經平山寨南

有茅角洞水自東北合溪坪河西流來會又西南流

經容美司南有小水自東來注之稍西有水西北自

兩河口來會折東南流有水自西來會曰平溪東南

流至飛沙口南有霧江自北來注之

霧江出長樂縣西南境之栗子

坪南山兩源合西南流伏大山下西至白水洞流出有水西北自桃山來會曰桃子口經霧江村西又南

有燕子坪自北來會又南流至飛沙口入平溪

又東南有爐扇溪自西來注

之大線溪自北來注之又東南百餘里至九谿衛西

安福縣之東境也南受小水四

曰冷水溪曰響夾溪曰輸贏溪曰凉水溪

皆西自大山東流來注之北受小水二曰和豹溪曰張馬溪皆自北山南流來注之又

南有茶溪自西南來注之

茶溪西南出道堂寺之北東北流經岩門南南北俱

合一水又東北經胡家坪東南又北有瀉牛坡水自西來會又東流南受官塘橋水又東流至衛西南入

平折東流有任石溪舒堰溪自北來各注之又東南

受北來之通津鋪水俗曰九溪河又東南與陵江河

會

此水行五百里

陵江河既會九溪河於慈利縣西北東

流經城北又東北流受南來之零溪鬼邦溪又東北

受西北來二水

高橋之北

又東經花山埠北會西北來之

鐵水河經石門縣城南

鐵水河出長樂縣西南境石梁司栗子坪之南山兩水東

南流合西南來一水東流經沙泥塘北又東至添坪所西折而南流有一水自西來會又東南受東北來之一水又東南受西北來一水受北來一水又東南經石門西境南會陵江河此水行三百餘里有

九渡溪合瓦溪自南來注之

正當石門縣之南

又東北經銅

山北有雙溪自北來注之又北而東經新安市東南

有刻木山水自北來會於合口又東經高橋南又東

經澧州城南新渡之北又東分為二派一東北流

受西北來之楊潭河又東經津市北折而南而東有

後河即涔河自西北來注之又東大江支津北自江

陵西南岨之虎渡口南流合三岡湖諸水自公安縣

來會

古江直從虎渡口東南會澧水又東會洞庭湖後以徙流存虎渡口支津南經公安東北境之

孱陵驛

東又南曰陳張湖又南曰蕉藤湖又南有支津東北通白蓮湖又南當公安東南有三岡湖諸水

來會

又西南有牛浪湖合二溪水自西來會又東南曰烏汎湖其西即澧州東北界之順林驛也又南經

涔河

鋪東又東南與澧水之東北派會三岡湖在松滋縣東南其上源曰楊子溪自西北來入湖曰竺

圓溪

自西來入湖曰裕家河自西南來入湖湖周百餘里東有三洲曰湖中洲王家洲鐵甯洲故以名湖

北有高庄

西南有塌庄亦岡也自東南流出有桂湖水自東來會又東通公安北之均湖又西經公安西

境有裴家河合二溪自西東流百餘里來注之又南有界溪河自西東流二百里來注之又東南經縣城南而縣北均湖亦南流經城東來會又東南與大江支津會也澧水東北派既會公

安河湖水又西南至王家背與東南派支流會一

東南流有道溪河西南來注之

道溪河出石門南境東北流經州南境新

渡東南入澧水

又東流分一支通東北派其一南經嘉山鋪

西關山之東又分一支東南流至田湖一支南為七

里湖又南至匯口有白湖南湖諸水自西南來會又

東南分為數汊至安鄉縣西北之西台瓦羣流畢合

有從河西南自常德府治武陵縣北境來注之河從

三源一出武陵西北山東流經府城東北七里鋪之南折東北流一曰善橋河又出其西北東南流一曰自生橋河又出其西北陽山亦東南流合而東北百數十里至馬家洲南分為數派北會澧水支津又東北至安鄉縣西南為江西湖北承又南經安鄉城西竹湖之委經安鄉城南而東也

折經其南又東分為二派一派南流又東南入洞庭

湖

湖口正北水口東南正對湖中之雞子團山

一派東北流數十里至新

堰驛南白蓮湖水自北南流來會

白蓮湖在公安東北即江支津之東

派所通者也南流西合王茂湖水又南合東一湖水又南至安鄉東北之新堰驛南會澧水此湖自北

而南流經石首西境至安鄉凡二百五十餘里又東南於華容之西南境入

洞庭湖

水口正對湖中明山在南口之北七十里自慈利至入湖四百餘里源流共千一百餘

里至澧州亦名蘭江入九溪河即淩水亦名後江

沅水數源

曰鎮陽江亦名洪江亦曰澠水出貴州平

越府東北之黃平州南金鳳山北流

源在金鳳北麓石頭堡東南兩

水合流亦曰兩盆江西八度七分極二十六度七分

三十餘里經州城東又北

折東流而東北至舊興隆衛南有一水自西來會又

北經飛雲洞東有一水自西北來會

飛雲岩在舊興隆衛東當驛路

其水自西北山來
經其北亦一源也

東經楊柳營南又東北經施秉縣

南又東北至沙坪鋪南有三水自北合來會

西水出施秉縣

西境山東流經偏橋驛南又東經縣城北又東至沙坪鋪南會沅水北水出縣北境山南流至鋪西南會

沅水東北水兩源出鎮遠府西北山西南流合至鋪東南會沅水

始名鎮陽江折東

南流北受一小水又東北流一水自北來注之

即鎮遠府

城西

又東經鎮遠府城南鎮遠縣城北

府縣城南北隔水相望為

湖南入黔真孔道

又東北流南受一小水

水自鎮遠縣城東北流注之

又

東北經思州府南境

水南即鎮遠縣東北之焦溪塘也

之清溪縣清

浪驛南

城西有山

又東北南受一小水又北有思州河合

數水西北自思州府來會

思州河亦曰平溪亦曰異溪上源出鎮遠府西北界

大山曰路賴河東流數十里合南北二水經鐵廠南山之南東北曲曲百里至思州府西北境有鐵廠東北水東南流來會此水以西水即入白岩河經石阡府北注烏江者也又東南流八十餘里經府城北又東合北來一水又南合西來經城南

又東北至玉屏

縣平溪驛西南一小水自東南來注之又北經城西

又東北至大魚塘北有戶溪江合數水北自黃道司

來注之

戶溪江亦曰黃道溪源出思州府北境山東流九十里折東南五十里至司西南折東流

有一水東北自銅鼓塘西南流合折東南流入湖南

一水來會東經司南東入沅水

沅州府治芷江縣西南界之晃州驛南又東經波州
舖南又東折而北流至便水驛西有小水自西北來
注之折東北流至明山南折東南經府城南有楊溪
西南自冷水舖來注之又東北至巴洲西受西來一
小水又東經羅舊驛南又東北至漁水灣東南有一
水東北自懷化驛合兩溪來注之折南流至竹站西
南又折西南流經桐木北西南百餘里經黔陽縣城

北稍西之牛角舖南清水江西南自貴州平越都勻

東北流合諸水及靖州之渠河來會

黔陽縣城之西鎮陽江自東北

來經城之北而會西來之清水江俱南折經城南東流也

清水江實沅水之上源

較黃平尤遠其源有二北曰平越府西北之猪梁江

南曰都勻府西南之馬尾河

猪梁江出平越府西

北大山東南曲曲流百餘里至府南境有一水西南

自貴定縣東南山東北流經黃絲驛合數小水來會

兩源合東北流至府西南境黃絲驛東受西北來二水又東北至府南十餘里會猪梁江稍北府

城水自西來會正當城南東北流府城東水又來會

府城水本一水出西北山東南流至府西北五十里
分爲二派一南流稍東經城西折東經西南會猪梁

於城南一東流折而東南又東北卡龍河西北自牛
經城東北又東南來會

場來會

牛場在府北界其東北大山北麓水即甕安
之乾溪河北入烏江者也南麓雨水西南流

經場東南會西來一水折東南流百餘里會猪梁江
此河源與猪梁江源之山東西相去五十里其北二
里即遵義府南之烏江也古稱又東麻哈江西南自
沅水出故且蘭必指猪梁卡龍

州來會

麻哈州西水有三源一西出貴定縣東南之
樂平司兩溪至司東合而東流至州西南一

出州西南者東北流一出州南者西北流俱會北流
經州西又北合東來一水又北而東北至楊老驛北

又北至林老寨
西北入猪梁江

又東北流折而東經清平縣北境之

大風洞北又東經香爐山北重安驛南亦曰重安江

重安司北即金鳳山山北即鎮陽江之
源若猪梁江至此已流三百餘里矣

稍東馬尾河

自西南來會

猪梁江源西九度四分極二十六度八分

馬尾河出都勻府

西南境山

在邦水司西南九十里山中本名板河亦曰邦水河

東北流

西九度三分極

二十六度二分

經府西南境折東南流有一水自西南經大

河鋪來會又東有龍潭河自北合三水南流經府城

西而東南來會

龍潭河在都勻府西北山東南流至府北十餘里有一水自北山來一水

自東北來一水自東南來並會南流經府城西折東南流入馬尾河又東南經楊安汛

南又東南至吳家司東南折而北流自大河鋪東至吳家司百餘里

自吳家司以北水東岍為生苗界經岩坦寨平定司東凡百二十里

折而東北經瓮城南瓮城南岸為生苗界又東北經凱里營北

營即清平縣東南境又東折而西北經臻洞司西翁壩營東又

北至重安司東南猪梁江自西來會馬尾河自源至此曲折行四百

餘里二水既合曰清水江東流經岩門司南又東至

平台寨北入生苗界寨之南即苗界又東南百餘里至黎平

府西北鎮遠府東南界之清江廳東流有烏下江南
自古州司西南合生苗中諸水來會又東稍北九十
里東北流有邛水西北自鎮遠縣來有潭溪南自黎

平府來並會

邛水亦曰德明河出鎮遠縣東南二溪合東南流有長忌河自西南來會又東

經邛水司南又東南有一水自東北合二溪來會折南流數十里又東南流受北一小水又東南經南洞西又東南百十里至毛坪之南入清水江潭溪二源一出黎平府西山曰少寨河東北流經八舟司南亦曰八舟河又東經府北境一源出府西南東北流經府城西北與八舟河會又東經老潭司北又東北經新化所西曰新化江又北經銅鼓衛西又北至又東北明耳司之西北入清水江水口正與邛水對

至毛坪東入盆處汎界又東北至天柱縣東南之遠

口西北有水西自縣城來會

天柱縣直銀水出西界邛水司之東大山東流

曰等溪折東北流經直銀村西北又東北折南流至縣北分流夾城左右有一水西自幞頭堡至縣西來

會又東稍南流至遠口北入清水江

又北至江東司西又北折東北流

至大口西北有渠河南自靖州南合永從通道二縣

水北流來會

渠河兩源西南源出貴州黎平之南永從縣西東流經縣城南折北流經其東

又北折東流受南來一水又東北流經長春堡東至五開衛東南中朝所之南曰六冲江又折東南流曰

潘老河又折東北流至洪州司西北入湖南中右所界又東北經中中所東又東北至播揚司東曰播揚

河又北有雙溪司西水南自金坑山來會又北稍東至通道縣城西南其東南一源來會東南一源又有二水一南出通道南與廣西界山東北曲曲百里一東南出長安堡西南與廣西界山北流將百里至臨口司西合而西北至江口南又西北至縣城西南與永從水合北流經城西而北有平茶所水自西來會折東流經城北又東折北流經石家驛東又北折而東經東北經州城東南又北經其東北又北至土溪堡東又北曲曲經會同縣城西而北有洒溪自東來合北一水經城北來會又西北流有一水自西南合歐陽村西樓村二溪來會又北流有水東南自伍招館來注之又北至大口西北入清水江此水行四百餘里其東

南源即郎水

清水江於大口合渠河又東至竹灘浦

西折而北又東流至黔陽縣西之牛角舖南田溪舖

北鎮陽江自東北來會東南流經縣西南而東也

江清

水會鎮陽江處西七度極二十七度二分自源至此已干一百餘里

沅江自黔陽城

南東經洪江司南有竹舟江即巫水南自綏寧縣合

城步縣諸水來會

竹舟江出城步縣東南百餘里山兩水合北流經小平寨西又北有

關牛寨水東自花山來會又西北流有水自東北來會曰清溪又西經縣城南又西稍南折西北流有京

涼橋水土橋水白竹山水自東合來注之又西北經閩陝鋪西黃石鋪北折西南流經綏寧縣城北有硤

河南自城西來會硤河出城步縣西南界長平寨西山北流有一水自東來會經硤河村北又西北流經

鋪頭寨東又北折西北流經黃桑坪西又北經縣城西又北與清溪會焉東北流至竹舟村西曰竹舟江

有長溪沙溪自西南來分注之又東北受東南來一水又西北流有龍寶溪自西南來注之又北經若水司東又北至洪江又東北經安江司北又東北受南口之東北入沅

來一水又東北經銅灣南又東北受東南一水又北流受西南來一水又北稍西至辰谿縣東南之大江

口西有雙龍江即淑水東自淑浦縣來注之雙龍江二源南

源曰龍潭河出龍潭司南山西北流六十里合東南來一水又西北曲曲百餘里至淑浦縣南境與東源會有東源曰龍灣河出畬刀界北西北流有一溪自東北來會又西流數十里折西北流八十里與龍潭河會又北流至縣城東南有四都河自東北山西南流百餘里合北來之三都河南經縣城東而南會焉

雙龍河經城南而西六十里為小江會又西數十里折口又西三十里為大江口與沅江會

而北而西經辰谿縣城南有麻陽河西自銅仁府合

諸水來注之

麻陽河數源最遠者出貴州銅仁府西北界曰順溪其山北水即朗溪司水西

入烏江者也順溪兩源合而南流有一水自東北來會又南折而經岩門東提溪司西有一水自東北來會又南折而東經江口汎南有省溪自東北來會又東北流有凱洪溪自南來會又東北折東流而東南有小江自北山東南流百餘里合東一水經府城西北而南來會又東經府城南又東稍北經黃蜡關南施溪司北受西南來一水東入湖南麻陽縣界又東八十里至縣西折而南有小江河自西南來會又東南經縣城南折而北經城東又北復折東南流數十里又東北流百餘里經濫泥村南又東北折而東南南受中和鋪

水又東北南受山塘水又北至辰谿縣城西南入沅江此水當即古辰水又北流數十

里折東北流經浦市東又北有舒溪自東來注之

船即

溪驛南又北至瀘溪縣城東南有武溪即灕溪西自

乾州城合諸水來注之

武溪數源名稱不一其最遠者出貴州銅仁府北界印江

縣東南界烏羅司南山西麓水即清水江入烏江者也此水源東南流又折而東北經龍頭營太平營北共百餘里東入湖南界經乾州衛西境曰木葉潭溪有泡水溪自北來會又東有得勝營水合二溪自西南來會又北至衛城南有灣溪自西北來會又東北流北受一小水又東流有鎮溪所水合三溪自北來注之又東有舟溪自北喜鵲營來會又東南經河溪塘北有烏巢江自西南來會水勢始盛

烏巢江

出與貴州界之鳳凰營南北二源合而東經營南東北流折而南經鎮竿鎮北又東折東北流百三十里至河溪塘東與武溪會又東南受小能大能二溪水北受潭溪二水又東北受仲溪水南受洗溪二水又東經蘆溪武南東入沅江此水與綏寧之行舟江及麻陽河皆源流行四百餘里又北經城

東又北折東南流受南來之土橋水又東北流麻溪自東南來注之俗曰辰河實沅江也又東北受東南來一水又北有藍溪自辰州府治沅陵縣東南境西流曲曲經新安塘南而西來注之又北至府城西南有北河即酉水西北自四川酉陽州合諸水南經府

城西來會

北河數源西南原出四川酉陽州西南與貴州烏江界之平茶司西溪東北流而合

經司北又東北數十里俗曰嘉塘河有一水自南來注之又東南其南流來會南源出湖南貴州三省交界之邑梅司二水北合于司之北北流折而西北百餘里合西南來一水北經石郎司東亦曰石郎河又北與西南源會又東流有眉子河合容溪西北自州之東南來注之東入湖南永順府西界曰北河有後溪河西北自酉陽州北界合二水東南流百六十里來會亦一源也又東折東北流數十里折而東流經大刺司南又東經小江口北有小江自西南來會又東經保靖縣城北又東稍北有世溪河自西北合四水東南流二百餘里來注之又東受南來關山河水又東有靈溪東北自永順府城之北山東合榔溪經城南合白水溪西南流合刺濟溪來會又東南受麥子溪水經王村南東受一水又東南流有溶溪自東

來注之又南有明溪自東北來注之又南稍西至烏宿東南有酉溪西自喜鵲營之北山東南流百數十里合南來一小水又合北來之蓮花池詩溪二水來會又東南經辰州府城西南入沅江即古之酉水也

府此水行五百餘里辰州三面臨水迴環如帶又東經府城東南折而北

流十餘里折東北流經諸灘有百曳高湧九磯清浪等名皆險峻數十

里折東流又東北有馬底河自南來東合來溪及清

捷河北流注之馬底河在沅陵縣東南境馬底驛西北流來溪自南來會又東北經楠

木塘北有清捷河自南來至界亭驛西合東南來之板橋溪西流來會北流數十里入沅江又東

稍北有大伏溪剪家溪自北來注之又東有渡河自

南合三渡水來注之

一渡水自東南來百餘里有二渡水自南三渡水自北合於辰

龍關之東東流來會經寧鄉鋪西又西北流十餘里折而東北入沅江

又東小泆溪自

北來注之又東北流有新店溪自南合三水來注之

一水在寧鄉鋪一水在太平鋪東一水在新店驛東皆自南北流合而東北入沅江稍東有新

湘溪自北來注之又東南有楊溪自南來注之又東

經鄭家驛北有小溪自西南合沉渡溪北流注之其

東岬為桃源洞

小溪出南山中西北流八十里折東北流經楊溪灣東羯羊塘北又東經

鄭家驛南又東有沉渡溪自東南來會其東岸即桃源洞又北入沅江

又東稍北受東

南來一水又東經白馬渡東北經桃源縣城東南又東北有延溪西自縣西境來注之又東北有白洋河合漆家河自西北來注之分為二派東北至陝市南復合有一水自西北來注之東流經常德府治武陵縣西南境河湫山南又東經府南折東南流有德山港水自南來注之又東分為二派一東北流又分二支俱東南流一南流至滄港塘北折東北流會前二支津經龍陽縣城北又東會前一支津曲曲東北入

洞庭湖

在常德府正東八十里西四度七分極二十九度自黔陽縣二江合處至此又千二百

里共前實二千三百餘里古所謂辰酉叙无漸五水俱為所并惟漸水未明耳此水合鎮遠平越都勻

黎平思州銅仁沅州辰州永順常德十府及靖州之水所受小水無數

湘水源出廣西桂林興安縣南之海陽山

西五度九分極二十五度

分三兩源合北流有桃花源水自東來會又北曰海陽

江受西南一小水經鳴玉洞東麓折東北流數十里

至縣東南左右俱受一小水遂北為分湘灘灑其

北抱縣城之東折而西經城北而西南至桂林府城

者灘水也 湘水則分為二北流三十里復合東北

流有龍蟠山水南自九龍岩之陰合數小水北流稍

西來會又東北經光華鋪東有六洞山水西北自湖

南城步縣東南之大猴寨黃水岩來會

興安縣北之越城嶺即古

始安嶺亦曰始安嶠五嶺最西者其水下流入灘

又東受南之界牌山水又

東北有咸水自西北來注之

水口在奇石山之北岸

又東北有

小水合自北來注之俗至此曰湘江又東北至全州

城西南有楊子江西南自石塘塔板田村合二水來

注之其北有羅江合數水自西北來其南有灌水亦

曰灌江南合十數水自灌陽縣來並會湘流始盛

江羅

出州西北與湖南新寧縣界之覆釜山南流合二溪
又合東北之鉛鉤潭水東南流數十里有鍾樂水自
西來會又東有一水自北來會又東南數十里受北
來二小水折而南流數十里至州城西南入湘江
灌水源出興安縣東南境曰龍川水南流有西北源
來會又南合市溪水折而東流數十里至白竹鋪西
南有一水自西南合二水東南流九十里折而北流
來會又東北經鋪東而北會西北來之九龍岩陽水
東經黃牛寨南又東受南一小水折而北有吳川水
自東南來注之又北有鍾水自東來注之又北經灌
陽縣城東又北折而東受南來之麒麟山水又北有
沙羅江合二水自西來注之又東北受東來之水安

閩水又北受西南來一水又東北受東來之白水又西北流至全州城南稍西與湘江會此水源流曲折四百餘里水勢與湘江同又東經城南東北流俗曰合江經銀石

白雨飛山西麓又北有黃沙河自西來注之又東北

至三角司東有洩水西自文山東流合二小水來注

之又東北入湖南界經東安縣東南境之淶埠市南

水口村北

西五度一分強極二十六度二分

又東有右江自北來西

合縣南清溪水東南流注之

右江出東安縣北境大山東南流百里至右江

鋪東又南有清溪自縣西北山東南流經城南而東北合西來一水于白牙鋪南又東稍南與右江會又

東南至大江口西石
期市之北入湘江
又東南至龍塘鋪北折東北流

至永州府治零陵縣西北之湘口村有瀟水南自道

州合永明江華寧遠三縣諸水曰泥江北流經府城

西而北來會

泥江即古瀟水出九疑山朱明峯北流與沱水之出石城娥皇二峯砾水之出

女英峯舜源水合今泥江源在寧遠縣南境九疑山者有回西水自南界山西流三十里經九疑司南又

北折而東流又東北受東南來一水又東北六十里至縣城南折而西流有分水坳南水西南流九十里

至白馬鋪西而南受東南來一水又西南經縣西南合焉又西至把截村北有石城峯北水自白草嶺東

北流經孟塘東至把截南又西北與回西水會即古沱水也又西北至道州東北之青口有水西自州來

會州南之水出江華縣南者源稍遠縣南白芒嶺而南有冬冷山開山壕界東北有白石關皆與廣東接壤即古之萌渚嶺也南即連山橫水東即連州天堂嶺分界南北州西南之水出永明縣南亦遠縣西南與廣西富川界之龍虎關古調清溪徭山即古都龐嶺其西南水皆入桂江者也江華水出縣東南境大馬營南山西南流經大橋及長平寨東又南受西北來之麻江水又南有平冲水西南自連山縣界山東北流合白石關水來會折西北流經錦田所南至土塘寨東折向北流有老梅營水自北來會又北經白芒營東又西北至縣東南有梅花村水自西南來會又北經城東又北數十里至道州南境之曲江口有永明縣水自西南來會永明縣水即古遼水源出廣西富川縣北境之平山川也東北流至龍虎關北入界又東北經鎮峽關冷水鋪南又北經馬蹄營西又東北至縣城南有小水自西北來會又東北

八十里至道州南與江華水會二水既會東北流
有營水西自永安關來會又東北經州城東南又東

北有瀟溪西自安定山東北合宜水來會即士州西
界之舂陵山者也又東北總名泥江至青口之北寧

遠縣水自東南來會又北流百七十里折東北曲曲
流數十里至永州府治零陵縣東南境折向西流三

十里折向南流五十里又折西北流受南來一水至
府城西南有永水西自永山東北流注之北經城西

又北二十里至湘口入湘江湘江得此水始盛
大故稱瀟湘也平山川西南流者下入桂江湘水

既會瀟水於零陵城北流百餘里至祁陽縣西境之

黃羊鋪南有盧洪江自西北來注之

盧洪江出東安縣北境山東南

流經洪盧司南又東南至折向東南流經哲周灘北
黃羊鋪之西南東入湘江

又東受東南來一溪水又東稍南經縣城南又東折
向北流有騰雲嶺水合西北一溪自北來注之又北
折而東南流經古洲北至白水司北又南流至歸陽
司南又折東北流百里至糧舩埠南又東折南至常
寧北境之白坊鋪北又東北流至松柏鋪東有水南
自常寧縣合二溪來注之

一水出常寧縣西南境之塔山東北流百餘里經縣

城西北又東稍北至金塘鋪北有一水自南來會一
水出南境三口山東北流經彌勒鋪西又東北有一
水自西南來會又東合南來一水又北流經縣東
境至金塘鋪東北西流會前一水又東北流入湘又

東北有壽陵水合歸水南自藍山嘉禾新田桂陽州

北流來會歸水即舜水也

歸水源自藍山縣西南界九疑山之北林峯東北流

過三分石至寧溪所南即廣東界也又東北經縣城南又東北依山至古城南有毛俊堡水自東南界西

北流來會又東北流九十里經嘉禾縣城南東北至石口東壽陵水自西來會壽陵水源出新田縣西北

與寧遠界之壽陵山俗曰烏江源也東南流數十里經縣城西南又東有一水自東北經城東來會又東

南經張富村白面司南又東至石口與歸水會二水既合北流七十里至柏家渡西折東北流經大山

下又東北經桂揚州西北境至斗下渡又東北百里至野落灘又北百里至白沙市東折西北流數十里

又北經白馬渡西衝頭市陽隔州東又東北與湘水合即常寧縣東北界也此水源流長六百數十里

又北流經衡州府治衡陽縣東南境折西北流至東

江北折正北流經府城東稍北有赤水自西南經城

北來會曰丞口

丞水數源遠者出衡陽縣西南界之大雲山東流過石灣浦南東北流百

餘里至陰波市南有西來之雷公寨水北來之丞水合而東南流來會又東流八十里過府城西北又東北至丞口

入湘江

稍北有郴江南自耒陽東南合桂東桂陽

興寧郴州永興諸水來會曰耒口耒水即郴江也

水

與耒水合總名耒水其上游最遠者桂東縣之桂水也桂水源出桂東縣西北之小桂山東南流經縣

城西南又東南有漚江一源出縣北屏水山南流一源出東境三都村西流合而來會曰增口又南稍西

經三峯山泥湖山有一水自西北來會又南受東來
新坑水又南受西來石磨嶺水又南數十里折而西
流至梅洋橋受北一小水入西經田庄南又西有西
水北自縣西境山南流經西水橋百數十里來會經
桂陽縣北境銀嶺之北又西至豐溪村南有耒水自
東南來會耒水出桂陽縣南山其南水皆入廣東
耒水二源皆在山北一東流一西流合而西北流
會二小水經縣城西又西北有廊江西南自白岩來
會自此而西北俱稱耒水矣又西北有文明村東水
南自廣東界鎮安司北流曲曲折東北經百丈嶺西
而北來注之又西北經滁口司南又西北經興寧縣
南境有資興江合東北來之西板橋水西自城東來
之坪石水南流來會又西北受南來之雷溪又西受
南來之鴉溪又西北有烏石江自西南來注之又西
北至郴州東北之郴江口郴州江自南來會郴江出
州南境之黃岑山北流其南即章水流入廣東界者

也郴水出北麓北流百餘里經州城東南受西來一小水又北經城東又東北受西南來一水又東北與耒水會以下總曰郴江又北折而東北流數十里至永興縣東南境有廖江東自七寶山牛頭嶺西南流百餘里經石壁村南來會又西北有注江東北自乾溪來會又西北經永興縣城西又北稍西有黑山口水南自郴州西南境之黃盆嶺東北曲曲流二百餘里來會即古白豹水也又北經郴州灘東又北經上堡市東又北至耒陽縣之西南折而東北流經縣城東而北稍西北又折正北流經新鎮市西又西北經衡陽縣東南境百餘里至府東之泉溪市西又西北受南來一小水又西北與湘江會此水源流曲折七百餘里 郴水所出之黃

岑嶺即古騎田嶺為五嶺第二

湘水又北至插木市

東折東北流至衡山縣南境

數十里自南而北曲曲流皆繞南岳支峯之麓

有冰水合攸水東南自鄆縣茶陵州攸縣及安仁小

江西北流來會曰茶陵口

冰水源出鄆縣南與桂東縣界烟竹堡南山曰米泉

北流數十里經黃那潭又西北七十里左右各受一小水北經斜瀨渡又北有雲秋水西南自竹坑嶺山東北流百數十里來會又北有水西自順風嶺來會曰冰江凡鄆縣西南北境水皆注之又折東北流至縣北境之河口有沔渡河東南自縣東南界山北流經縣東百餘里而西北來會冰江又西北流百里折而北流數十里至茶陵州南境折而東北經州東南有沙坡河合二溪自東南來注之又北經城東有岩溝河合二溪東南自和尚庄來注之折西北流有潯江東自高龍司來注之又西經城北稍西有背江東自江西界之皇鵲山九路冲有浦江東北自太和山西流合而來會又西至把集鋪北受南來一水又西

稍北至黃石鋪北受西南來一水又北稍西六十里至攸縣之東南境攸水自東北來會背江即古茶水出與江西永新縣界之景陽山其東南即皇雩山九路冲村也西流百餘里與北來之浦江合又西南會洙江攸水源出江西界之瀘瀟山其東水即安福之瀘水河東南至吉安府入豫章江者也攸水自山西麓西南流會柴嶺水又西南有水頭村東西二溪合而西北流來會又西南流有斷江橋東西二溪自南來合而來會又西南有溪自南來注之又西至新市鋪東折而南流七十餘里至縣東北又西南流會洙江於縣之東南二水合西流經縣城南又西百里至草市北稍西有小江南自安仁縣來會小江二源一南出尺灘北流百三十里至安平司東東源來會東源出鄆縣西北界之尖山鋪山西流曲曲經太平撞橋二鋪之北亦百餘里至仙口鋪南與南源會西北流受東北來自大石嶺一水又西北經青路

北安仁縣城南又西北有一水南自觀音閣合同塘
小臂二溪北流來會又北流曲曲百五十里至草市
西北會涑江攸水攸水涑江自草市西北流百五
十里至衡山縣南之茶陵口入湘江涑水源流自
南而北而西北行六百餘里湘水又北流至衡山縣城東南有水

西北自衡山來注之

南岳在縣西綿亘數百里西四度極二十七度三分水自南麓

會諸溪澗東南流經南岳司北又東過師姑橋又東南經縣城西南烏石鋪之北又東入湘江

又北

經城東東北經石橋鋪東有水自西來注之

水亦西出南岳

東麓又東北曲曲二百里經淥口市西有淥江合泗汾

河東自醴陵縣會江西草鄉諸水來注之

淥水源有二東源出

東州府西華鄉縣東北境大山二澗一西南流一東南流合而南所謂華川也稍西南有小水自東來會曰浙江折西南流經縣城東南又西南至湘東鋪南有馬跡嶺水北流合二溪自東南來會又西受北來之五金山水又西流曰湘東江又西北流入湖南界插嶺關南又西北北源來會北源出瀏陽縣東南與江西萬載縣界之鐵山南二澗合經王家橋西流經聞家市北又西南流至渠城司北吳甲市東又西南受北來之路口橋水又東南流經金剛渡東又南受東來一水又南曲曲經明瀾鋪東又南折西南流百餘里與東源會曰雙江口二水既合曰淥江西流經醴陵縣城南又西北流折而西至鐵河口之北泗汾河自東南來會泗汾河源出江西華鄉縣西南境之婆婆岩西流入湖南界西北流數十里折北流有丹陵橋水自西南來會又西北至船灣東北流數十里至泗汾鋪東北折西流數十里又西北流至鐵

河口東北會涿江既會泗汾河又西流八十湘水
里至涿口市北西入湘此水行四百餘里

又北流至湘潭縣東南之渚洲鋪折而西稍北流有

茶園水自南來會又西北至下攝司南飛羊鋪北有

涓水自西南山東北流百餘里來注之又北有漣水

西自湘鄉縣合諸溪東流經城南來注之漣水數源
西南源出

寶慶東北境之大龍山北阜東北流又曲曲而北二
百餘里受西北來一水折東北流至關王廟西南其

西源水出新化縣北境山中東流經桂子岩南獨山
北又東折東南流有伏溪口二水自北合而南來會

又東南至關王廟南與西南源會源流亦二百餘里
又東南數十里至潭市南有豐溪南自黃龍山北流

折而西北經永豐橋東凡二百餘里來會又東南至大江口南有水南自山中北流百數十里來會又南折東北流數十里有小水自南來又有豆溪河東北自縣北之夏陰燒磚二橋西南流來會又東流有花橋水南自衡岳北麓經望岳山而北來會又東經湘鄉縣城東南又東稍北有官步河自西北來注之又東北受北來二水又東經王托舖羸湖舖南受北來一水稍北至薑奢市南又東流經湘潭縣城南入湘江此水自寶慶東北衡岳以湘水於湘潭城東南北諸水皆會源流五百餘里

北流又東北受東南一水折北而西又北流經廻龍舖西又北經下託舖西受西南來一水又北至長沙府治善化縣西南自岳麓山來注之

岳麓南去衡山三百里隔於湘

潭一水實不相連

又東北經府城西南有水東自城南來注

之北經城西

西三度七分極二十八度二分

又北稍東有瀏陽河東

自瀏陽縣來注之曰瀏口

瀏陽河出縣東界二源一曰大溪自大圍山西南曲

曲二百里一曰小溪在大溪源之東南山亦於西南合北一小水西經鐵山之北亦二百餘里會而西流至縣城東南受北來城東一水又西經城南受南來一水又西稍北受北來城西北之水過百子橋又西有焦溪東北自焦嶺西南流合數水來注之又西經永安市南又西過百家山北又西北流經丁家鋪楊林鋪南又西北至長沙府城北十里入湘江稍北有黃泥江自東北來注之黃泥江出平江縣南界長田市山西南流經黃泥界又西南有社港水自東來會又西南九十里有瀏陽

北境二溪合而西南流來會又西折而西北曰勞刀河又西南數十里流入湘江其水口在瀏口稍北

湘水折西北流有水西南自岳麓來注之

此岳麓西水東北流

經驚馬橋而北者也

又西北有建港溪自西南來注之

建港溪出建港

橋南山東北流百五十里入湘江此水源隔山即湘潭豆溪源也

有清水合二溪自

東來注之

一溪自山西流八十里一溪自腰站東山西南曲曲流六十餘里合而西流經橋頭

鋪又西入湘江

又北有圍河合玉堂諸水西南自寧鄉縣來

注之

圍河數源出寧鄉縣西與安化縣界之十泉風大山及南曬穀石二水東流合而東經黃坊鋪

南有芭蕉嶺二水皆北流來會又東經長橋南曰圍河又東稍北至玉堂鋪東南有玉堂河自西北來會

又東至石土南受南來一水又東至縣南有譚家橋
水自西南來注之折而北流經縣城東又北受西來
一水又東北受西來青化衡龍二
鋪北之水又東數十里入湘江 又北資江西自益

陽縣合西南武岡新寧寶慶邵陽新化安化諸水來
會曰喬口 資水即都梁水源出武岡州西南有楓

門嶺水東南流高坪南山水東北流合而東經山口

南又東有一水南自水東鋪來會

資源及此水隔山之
水皆南至城步

縣西入竹
舟江者也

又東經浪石北至西筵橋受南來一水又

東稍北經州城南又東北流至赤溪橋有龍溪自東

南合二水來會

龍溪出州南境東北流有二水又出其東南北流而合折西北流會龍溪

又西北至赤溪橋入瀆

北經石羊橋西折東北流經斗溪荊竹

西北有蓼溪西自蓼溪司東流來會又東北經西橋

五里排西又北有水西自硤石司合二溪東流二百

餘里來會又東北經龍潭鋪西又東北受北來一水

折東南流經紫陽司南又東南曲曲而東曰紫陽江

經寶慶府治邵陽縣西南境有羅江即古夫夷水南

自新寧縣合諸溪來會水勢始盛

羅江源出新寧縣南與廣西界之羅江

岩北流數十里有長木山水自西南來會又有縣西
一水合北一水自北來會折東北流經縣城南又東
北有大雲山水自南來會於黃龍塘北又北流折而
東至油溪橋北有香溪南自大龍山北流來會又東
至木山鋪北楊田鋪南有楊家山水南自廣西界之
三山鋪來會又受東來一水又北流至田堂寺西
折東北曲曲流百五十里會資水
此水源流數百里與資水等 既會羅江又東北

經楓林鋪南又東經府城北有邵水南自城東來會

邵水即花橋及洪橋官橋三水也花橋水出南境思
鋪之西南山其隔山水即盧洪河源也此水北流東
北過小花橋西又北數十里經谷洲鋪西又北至府
東南有官橋水東南自獅子山北流經南市東又西
北會北來之洪橋水折西南流經官橋鋪北又西流
至府東南與花橋水會二水既合北流經府東而北

入資水資水自東入邵陽北境流數十里有五十三灘既合邵水又有四十八灘又東折而

北流百里至申家塘西又北折而西流七十里有潮

水合田心水自西南來注之折北流有連溪東北自

石柱寨西南流至蔣家壩來會又西北流數十里經

新化縣城東北又西北至牛婆壩北有洋溪合思豐

溪女溪自西南來會

洋溪出新化縣西南境大山一源東流一源出望雲山東北流

合而東北數十里至三姓口有女溪南自龍源山來

會又北有思豐溪西自鐵山來會又東北至牛婆壩

西北入

資水又西北數十里有油溪自東北獨山來注之

又西北數十里至蘇溪司東折東北流百八十里受

西北來一水經安化縣西境又東北二百餘里至縣

東北境有敷溪河合二水自西南來注之

敷溪河出安化縣西

南之黃柏山東北流曰石城溪一出縣南境之桂子岩北流曰大木溪至縣城南合而東北流經縣東北

境山中百餘里入資水

又東經益陽縣西境曰資江有四里河

西南自安化東南境山來注之

此水源在清塘鋪之南其隔山南水即伏

溪口水南經湘鄉者

又東受南來三小水

曰占溪曰桃花溪曰誌溪俱自西南山東

北流

又東至益陽縣南分為二派一東北至城東南

折而東一東流受西南來之七里溪又東二十里至
小江口復合東流又分為二派一東北流十餘里又
分二支正北一支經王家村瓦口磯又北分數汊一
汊東至湘陰縣林子口黃花洲之北入湘江一汊北
折而西經沅陵縣南之瓦陽塘東折北流經縣城東
又分二汊一東北流入洞庭湖一西北流數里又分
二汊一北流於縣正北境白沙塘之東長坡入湖口東
南去前汊一西南流至兔子哨折而北至李家蓬西
口四十里

入湖

口東去前口長陂約六十里正當沅陵西北

自王家村東南一支曰

青草港東南二十里與一支東流者合為資水正派

又東南有關龍河合西北仙清二水自西南來會

龍關

河源在衡龍鋪北

俗曰玉堂江又東流至喬口與湘江會

此水

源流約千七百里其入湘之口有二於喬口入湘者其東流正派於湘陰縣北入湘者其支津也其支派西北至沅陵縣境入湖之口有三又支津之支津也

湘水既會資水於喬口

東北流至湘陰縣西南境有支津西通資水之支津

者二稍北有哀江東自東南境合數水來注之過城

西黃花洲又北有資水支津西南自林子口來會又東流折而東北有汨水東南自平江縣合諸水來至

汨羅山分流而西注之曰汨羅口

汨水即平江縣東與江西界之黃洞

嶺西南流經寧陽村南又西南經長壽司北又南有一水自東來會又西南經義口北又南有一水南自連雲山來會西流經銅坪及圍灣之南有一水東南自盧洞西至滑石橋江口合西一溪東北流來會又北經橫槎東又西北至縣東北境折西南流經城南及西三面又西北流至楊梅江有昌水河自北來會又西流數十里稍北分為二派西南流復合又西南至新市北折西北流至歸義驛西北有一水自東北伏井驛之東南來會又西北分為二支一支西流稍北於山麓西入湘一支北流數十里西北入湘曰

屈潭亦曰汨羅口

湘水至磊山洲分為二派又北復合入湖

曰湘口正對湖中之石录山

西三度七分極二十九度湘水自源至此行

二千餘里會桂林永州寶慶衡州長沙五府道邛武岡桂陽諸州水為洞庭上源

洞庭湖東南隅曰青草湖自湘口磊山之東北有河塘

湖數十里相通正西對湖中之石录山又北數十里

有昌磯洲

洲在石录山之北去東岸十餘里長數十里西北稍濶形如鯽魚

又北經

鹿角司西岳州府治巴陵縣之南稍西境也又北稍

東有新牆河自東來注之

新牆河上源曰土城河西出城縣西北境龍角山西

南流有箬姑山水合土門司水自東南來會又西南會東來之龍窖山水又西南經新牆市北又西北流受東北來青岡驛前有一水又西北入湖此水口西南對常德之沅口徑三百里自水口而

北數十里為府南水口之雞窩山湖中為扁舟山近

岸

此水口即府城南湖西接徐家嶺者也

又北經府城西正對湖中之

君山

府城西門即岳陽樓

又東北流出至府東北之七里坡北

與大江會

湖與江會南岸為臨湘縣西南之城陵司北岸為荆府監利縣東南之白螺司湖

自湘口而西數十里折而西南百餘里至沅江縣東

北境之資江支津一水口

自水口北稍東至北岸墨山鋪徑二百餘里又

西稍北四十里至長坡口又西折而南六十餘里至

李家蓬口

沅江縣西北境以上三口皆資水支津

又西折而南數十里

有河港溪南自益陽縣西境之迎風鋪北流注之又

西四十里有一水南自龍潭橋來注之又西折而北

經龍陽縣東南境有五洋港水自西來注之口正東

對李家蓬八十里曰天心湖

五洋港上源出龍陽縣西南之金牛山東北流

合西北來一水折東流經縣南境又東有小塘溪自南來會又東經游汎塘南又東入湖又西北

九十里至常德府東南之沅水口

口在正西與東南湘江口徑二百餘

里又西北四十里折而北而東北而東百六十里至

澧州安鄉縣東南之澧水西口

口南對長坡口徑百五十里

又北

五十里為澧水支津東北口

此水口東對岳州口南徑百六十餘里

口南

有明山鳳山雞子團山與東北之君山東南之石象

山遙相望湖水又北數十里至華容縣南有華容河

首北受大江南流經縣東而西南來會

又縣西有場西湖東北受

九湖水西南經縣西境又南曰白泥湖每雨漲亦南入洞庭

又東三十里折而南

二十餘里又折東北經禹山東麓八十里至層山南

麓於墨山鋪前折而東南五十里又東過圍湖之南數

十里又東南至岳州府之西北遂東北會大江也

自圍

湖之東南數十里湖與大江隔一線地而未相合

湖曰青草曰赤沙實一水

周圍八九百里為海內數澤之冠

水道提綱卷十二